

嘉業堂
叢書

雲南水道考

第二册



雲南水道考卷四

黃巖李 誠

瀾滄江下

瀾滄江既會南北谿水又東南折而南繞九龍山麓經舊車里宣慰司北新車里宣慰司南又東北南流爲九龍江又南折西南經橄欖壩西又折東南經猛淪南獮梭江自東北合數水曲曲南流七百里來會

獮梭江源出思茅廳西北那庫里西南山中爲清水河南流經思茅廳西又南百餘里經小猛罕西又東南經普藤東又東南爲大開河亦曰補遠江又東南經猛旺東曲曲二百里會東北來龍谷河水

龍谷河一曰慢達河源出思茅廳東南山中南流曲
曲一百九十里入大開河

折南流會東北谿水

東北谿源出猛臘數十里山中兩源合西南流入大
開河

折西流經猛臘易武北繞革登莽支五茶山爲獼梭江
會西北官鋪河水

官鋪河源出普藤西南官鋪西南山中東南流至莽
支北入獼梭江

又西折南流經莽支西又西南曲曲百里折南流經猛
淪東南入九龍江

九龍江既會羅梭江又東南流右爲緬甸猛竜左爲暹羅猛辛自入邊至此曲折二千五百里又東南走南掌界爲南龍江右爲南掌左爲臨安三猛爲黑江東流經茨通壩南又東流爲烈嗎渡東流經把哈南又東流經猛丁南又東爲猛蚌渡經猛蚌南又東經猛賴東南而藤條江卽李仙江西北自蒙化會眾流曲曲東南流一千六百餘里來會

藤條江其上流曰李仙江亦曰把邊江其上源曰阿集左河源出蒙化直隸廳西南一百二十里鳳皇山西南麓東南流至虎街西南北會虎街河水

虎街河源出虎街北山中南流會阿集左河

又東南會東北來牛街河水

牛街河源出牛街東北山中西南流入阿集左河

又東南至安定關西會東北來安定河水

安定河源出安定關東北山中西南流至安定關左西南入阿集左河

四源既會東南流入景東直隸廳境爲中川河亦曰銀江東南流會西北來老倉河水

老倉河源出景東廳西北九十里無量山東麓東南流入銀江

又東南會東北來沙羅河水

沙羅河源出安定關東山中西南流入銀江

又東南東經新站街南又東折南流西納板橋河水
板橋河源出無量山東麓東流至板橋東入銀江
又南西納灰窰河水

灰窰河源出無量山東麓東經灰窰東入銀江

又南納西來大壩河水

大壩河卽通化河一名菊河源出無量山東龍潭合
二谿東流經御筆山北又東入銀江

又東南經景東廳城東北又東折西南又折東南西納
孔雀河水

孔雀河源出無量山東麓東流經孔雀山麓又東入
銀江

又東南納東北來蠻謝河水

蠻謝河源出蠻謝東山中西南流入銀江

又東南經中所塘西稍南納東北來中所河水

中所河源出中所東山中西南流入銀江

又東南納東北來品秀河水

品秀河源出品秀東山中西南流入銀江

又南流經蠻罵西納東來蠻罵河水

蠻罵河源出蠻罵東山中西南流經蠻罵南西流入

銀江

又南流入鎮沅直隸州境爲景來河納東北來蠻岡河

水

蠻岡河源出恩樂縣北山中西南流入景來河

又南西納阿薩河水

阿薩河源出鎮沅州北山中合兩源東流入景來河
折東南納東北來怕莫河水

怕莫河源出恩樂縣北山中西南流入景來河

又東南流經恩樂縣西西納大弄河水

大弄河一名浦麻河源出鎮沅州東界山東流經恩
樂縣樂仁鄉東入景來河

又東南折西南流經跨泥邨西折東南東納凹必河水
凹必河源出恩樂縣南跨泥邨東南山中西流經跨
泥邨南西南入景來河

又南流至新撫東北爲新撫河蠻莫河自東來注之
蠻莫河源出鎮沅州東南百餘里新撫東山中西流
入新撫河

折東南流經新撫巡檢司東南流爲把邊江入普洱府
威遠廳境又東南復折西南數十里南流會北來磨黑
河水

磨黑河源出寧洱縣東南那庫里東北山中北流經
磨黑塘東又北流折東流東入把邊江

折東南流經把邊江塘南又東南納東北來慢岡河水
慢岡河源出寧洱縣通關哨北山中西南流入把邊
江

又東南折正南流而西南又東南而東流而南而東南
共二百五十里而阿墨江自東北曲曲西南流四百餘
里來會

阿墨江源出南安州礮嘉州判西景東直隸廳東八十
里之火石哨爲者干河亦曰者東河南流經者干邨東
又南流經哈嚕嚕南又南流入恩樂縣境爲魯馬河經
三家汎西又南流至新平縣谷麻爲谷麻江經上下谷
麻又南流至他郎西爲阿墨江又南至阿墨江塘南納
東來慢會河水

慢會河亦曰魚鳧小河源出他郎西八十里南北邨
西流入阿墨江

折東南流曲曲八十里會東北來他郎河水

他郎河源出他郎北山中南流經他郎廳西南東會

水癸河水○水癸河源出元江州境坤勇邨西流會

他郎河○他郎河折西流右會小河水○小河水源

出他郎西北中寨箐繞東南來會○三源既會折南

流曲曲數十里東會甸索河水甸索河源出元江直

中北流折西流經甸索塘又西右會他郎河又西南

會阿墨江

阿墨江既會他郎河為布固江又南流而西南至三江

口會把邊江

把邊江既會布固江又東南會東北來薩普河水為李

仙江

薩普河源出元江州南鄙山中三源合西南流百餘里西南入李仙江

又東南流百數十里納北來無名河水

無名河源出元江州東南諸山中兩源一南流一西南流數十里而合南流折西南又數十里共百餘里入李仙江

又東南流入臨安土司境為阿流江納北來臘密河水臘密河源出臨安府西南三百十五里谿處山中曰

白那河西流納北來者貢河水

者貢河源出瓦渣司龍孟山中南流數十

里入臘密河

又西納北來他嘴河水

他嘴河源出左能山

又西納北來浪水河水浪水河源出左能西又西納

東北來他泥弄河水他泥弄河源出左能西北折南

流北納虎街河水虎街河源出谿處山又南流入阿

流江

又東流為藤條江東南流經瓦遮宗哈各掌寨南又東

南流經那黃渡又東南至猛喇北納跳魚河水

跳魚河其上流為金廠河伏流南出東南流入藤條

江

又東南納西北賽江河水

賽江河源出納更司南臘縱南流經慢們東會諸水

又南經猛梭東南入藤條江

又東南納西南金子河水

金子河源出猛喇東流至猛賴北北入藤條江

又東南至猛賴東入黑江

黑江既會藤條江又東南爲攔馬渡又東南入越南國
界爲洮江亦曰洪水江江以南爲老撾界江以北爲交
趾界又東南全入交趾境南別爲沱江又東流經宣光
道南歸化府北又東流沱江復會又東流經臨洮府南
又東至嘉興州蒙縣而清水江卽河底江亦卽禮社江
西北自大理府雲南縣會眾流曲曲東南二千餘里來
會

清水江其上源曰禮社江有二源其東源曰白崖險江

出大理府雲南縣北二十五里梁王山後寶泉山石穴
中湧出西南流而帽山龍泉自帽山北西流會五福山
蒿山壩鐵窖箐毛栗各龍泉南流會松子哨螞蝗箐諸
澗水南經九鼎山東南來會又南流至茨平村團山壩
分爲三流其二東流經雲南縣南北爲青龍海品甸海
下流合爲一泡江入金沙江見上其一由團山壩南流
案梁王山泉南流者其正支東流者青龍品甸二水係
明兵備沈橋朱荃李先著等鑿成築壩障使東注以資
灌溉今旱則盡東而南流無水潦則以爲谿溝亦曰萬
其餘者下谿溝故反不如東流者爲大

花谿臥龍岡夾其左金龍山夾其右南流經清華洞西
又南流經趙州石蝦山西左納蝦蟆口甘泉水

蝦蟆口甘泉水源出趙州南六十五里石蝦山下平

地湧出西流入大河

又西南納東北來菖蒲溝水

菖蒲溝源出雲南縣南三十里水目山南流經天橋

山出天橋西流經彌渡城北西入大河

又西南會西北來赤水江昆雌江合流水

赤水江源出趙州東南七十里水磨坪

當白崖北二十里其山北

即波羅江源

會兩源南流經白崖站東會西北毘雄江水

毘雄江源出趙州南四十里定西嶺東南流至白崖站東會赤水江

又東南四十里而

毘雌江自南來會○毘雌江源出蒙化廳東北十五

里武衛山山頂平岡峽中水自巍寶山南來北流峽

中經龍慶關北流東下經石佛哨又東經桃園哨折

東北出峽北流至彌渡北東北會赤水江○兩源既會東入白崖賧江

又南流至彌渡左納鼻窗廠水

鼻窗廠水源出雲南縣東南四十里水益鋪東南流姚州界內山中西北流經水益鋪折西南流經鼻窗廠又西南流至彌渡南入白崖賧江

又南入蒙化廳境流百餘里會西源○西源曰陽江源出蒙化廳西北八十里花判山南流合兩谿東南流

白崖入

又東南至盟石西左納盟石河水

盟石河源出蒙化廳北二十里蒙舍山中西流入陽江

又南至蒙化廳城西北左納教場河水

教場河源出蒙化廳東十里武衛山西麓坳中折西
流西入陽江

又東南經蒙化廳城西南又東南至蒙化城南納東北
來錦谿水

錦谿一名菜園河源出蒙化廳東十里擣衣山之坳
一泓潰湧神物憑焉流出成谿會大小黃草壩之水
西流至龍王廟又南經石龍山采花村西南入陽江
又東南五道河自東南來注之

五道河源出蒙化廳東南十五里巍寶山西北流合
玉屏山水又西北合玉屏雞鳴山水經含春洞爲鳴

珂水又西經梅雪嶺下為白塔河又西入陽江
又東南經廢定邊縣北又東南至廢定邊縣東南納西
北來定邊河水

定邊河源出蒙化廳西南羅求場東南流納東北來

牟苴河水牟苴河源出今南澗巡檢司西又東南流

經廢定邊縣南又東南至廢定邊縣東南入陽江

又東南納西來窩接河水

窩接河源出舊定邊縣南十里麻栗樹東流入陽江

又東南至蒙化廳東南境與白崖臉江會○兩源既會

曰禮社江東南流入楚雄府境為府大河南流經磬嘉

州判北為大廠河亦曰大場江一曰卜門河折東流北

納大廠東北水又東南右納界牌汎北水又東納西北來馬龍河水

馬龍河源出鎮南州阿雄鄉之一街東南流會西北

來伯魚河水

伯魚河源出鎮南州之灑坡武東南流經鷲毛嶺東南會馬龍河

又東

南流經舊哨汎西又東南流至三江口北入禮社江

折南流經新平縣西北四百里與南安州分界之界牌

西入新平縣境東南流經斗門鄉南東南至三江口亦

曰三岔河與東南源東北來合眾流曲曲六百里之丁

癸江會

丁癸江其上源曰星宿江源出羅次縣南二十五里九

湧山一名九成山東北流至羊谿冲北會東南來分水

嶺水

分水嶺水源出羅次縣東南二十里上甸分水嶺東嶺

水入螳螂川西北流至羊谿沖北會九湧山水

折北流右會碧城河為東河亦曰金水河

碧城河源出羅次縣東十五里穹盪山山箐中西

流數里分為三溝曲折繞城西入東河

又北經羅次縣西又北折西流經羊圈北又折西南流

右會梅子箐水

梅子箐水源出羅次縣西北四十里梅子箐龍潭東

流成河經乍烏南折入金水河

又西南流右會北河水為星宿江

北河源出武定州境河底廠山中南流十五里至阿勒又南十五里至法尾又南三十里會星宿江

星宿江既會北河水又西南納東來南河水

南河在祿豐縣南十里合縣南山澗之水西北流過啟明橋入星宿江

又西南納西北來九盤山水

九盤山水源出廣通縣東北五十里九盤山南麓東南流入星宿江

又折南稍西流捨資河自西北來注之

捨資河源出廣通縣東北十五里阿陋雄山南麓西南流一名阿陋河南流會西北來雕龍河水○雕龍

河源出廣通縣東北十里之阿納香山東南流與阿
陋河會○合東南流入星宿江

爲九渡河折東南流會西南來妥梢河水

妥梢河源出南安州東南四十里山中東北流至的
祿村北折東南右會沙甸河水○沙甸河源出南安
州東南百餘里兩童汎南北流經兩童汎西又西北
流至妥甸汎西折東流又折北流經乾海子西西北
與妥梢河會○兩河既會折東北流入九渡河
又東南流納東北來太和川水

太和川源出羅次縣西南百一十里煉象關東北山
中西南流左會東南山水合西南流經積食村又西

南經石門峭西南經太和街前西入九渡河

又南左納迷末水爲綠汁江

迷末水源出易門縣西十五里永靖峭西北流經迷末又西北入綠汁江

折南流納東北來大小綠汁水

大小綠汁水源出易門縣西六十里諸山中兩山相夾一縷西南流入江

又南流經木奔西爲木奔江又南納東北來螞蝗箐水螞蝗箐水源出易門縣西南三十里螞蝗箐山中西南流入木奔江

又南會東北來易江水

易江源出安寧州西四十里祿賡西山中西南流左

會東南山西北流水折西流會北來老雅關西北水

老雅關西北水源出祿豐縣東七十里老雅關西北山中南流數十里南會祿賡水折南流經

祿豐縣迤棲村西又西南右會易門川○易門川水

為易江西源源出易門舊縣西六十里老黑山東麓

黑龍潭東流合扒齒嶺西水又東北流合羅衣島積

食村諸水折東南經窩德會西南熱水塘水熱水塘水源出

易門縣西十五里葛根箐西北東北又東左會祿豐

經白衣關又東北至窩德入易門川田壩諸水祿豐水源出祿豐煉象關內田壩折東南至

舊縣南會東源○兩源既會為易江折南流經小山

凹東又南經楊堡莊東又南至上江口會西北上江

渠水上江渠源出易門縣北二十五里黑松林山中

一谿又東南經劉家營東又東南經韓家營東又東

南經海子營東又東南過黑龍潭右會潭水東南流

入易又南流至下江口會西北下江渠水出易門縣

西五里大龍泉水自洞中湧出東流至縣西繞城北

流經城東北左會小龍泉水○小龍泉在易門縣東

北四里水出截壁中西南流至城東北入大龍泉○

大龍泉既會小龍泉折東南經城東右納二會水○

二會水自二會西南山中東北流入下江渠○下江

渠又東南經三會北又東南右納羅所水○羅所水

自羅所南山中北流經羅所西北入下江渠○下江

渠又折東經戴所曾所又東至下江口東入易江

易江既會下江渠水又南流左納苗茂水苗茂水源

東南嘗峩縣山中西流折西南流至甸末東右納沙

經苗茂南西入易江

丈水沙丈水源出沙丈北大小沙衣山中南流經沙

南流丈東又南流經普貝東又南流經馬頭山東又

易江入又西南經甸末南山北又西納北來老吾南

山水水從老吾山中南納甸末南山水水出崑崙縣甸末南山中

北流入又西南經腳家店西北西入木奔江

木奔江既會易江折西南流入崑崙界為丁癸江亦曰

小江西南經新平縣北納南來七曲河水

七曲河源出新平縣西四十里崑雞山北麓即鸚哥

山之東北麓北流經七曲村又北流經新化山東迤

隔山西又北經徹崇山東北入崑崙小江

又西南經太和山北斗門鄉南為麻哈江又西南至太

和山西南西與禮社江會為三江口亦曰三岔河

禮社江既會丁癸江東南流為夏賽江經哀牢山東麓

納東來化龍河水

化龍河源出新平縣西北百三十里老鐵廠山中西

南流左納六乃河水

六乃河源出象山西麓西流至他甸邑西左會漫干箐水○漫

干箐源出迤阻山中西流經漫干壩又西與六乃河會○六乃河既會漫干箐水西南流入化龍河又

西南流右納賓橋河水

賓橋河源出太和山中南流東南入化龍河又西

南流經黃土坡又西南流經東磨南西入戛賽江

又東南西納南倉河水

南倉河源出新平縣西百六十里南倉山頂在哀牢

山東半會各山水東流至戛賽江

又東南西納南茂竜河水

南茂竜河在哀牢山東源出南茂竜山頂會諸山水

至戛賽入江

又東南納東來鷺得河水

鷺得河源出新平縣西二十里分水嶺西流經鸚哥山黑味南西牙甸北會諸山水西流入戛賽江

又東南納西南來了味河水

了味河源出哀牢山東東北流至了味入戛賽江

又東南至磨沙爲磨沙江納西南來馬龍河水

馬龍河源出哀牢山東東北流至馬龍山麓入磨沙江

又東南納東北來楊家沖水

楊家沖水源出敵軍山西南西流經倚樓山北麓西南至磨沙北入江

又東南納東北來樹布拉河水

樹布拉河源出鎮元山西南麓西南至腳底母西南至樹布拉西入磨沙江

又東南納西來挖窖河水

挖窖河源出新平縣西南三百里哀牢山東南挖窖山中東流經挖窖塘又東流經舍疊龍東北至磨沙南入江

又東南納東北來南麻河水

南麻河源出他克西山西麓西南流經大南麻又西南入磨沙江

又東南爲元江納西來漫綫河水

漫綫河源出元江州西北百三十里之彌陀山東北流入元江

又東南納東北來甘莊河水

甘莊河源出元江州東北四十五里之黃茅嶺西流經甘莊壩又西南入元江

又東南納西來南淇河水

南淇河源出元江州西無量山東流會南北中寨諸山水東流入元江

又東南經元江州城東又東南納西南來清水河水

清水河源出元江州南八十里列播山一源二流其東北流者爲南佷河其西北流者爲清水河又北流

數十里折東北經峩峩山麓爲峩峩河又東北流至
州城西南折東流經城南東入元江

又東南左納雙渠溝水

雙渠溝源出馬龍山一清一濁西流入元江

又東南納西南來南侗河水

南侗河源出列播山與清水河一源二流東北流經
大羊街北小羊街南又東北流至壩罕東北入元江

又東南納東北來矣落河水

矣落河源出元江臨安界上山西南流入元江

又東南走臨安府思陀土司境納西南來屏山谿水

屏山谿源出思陀鄉北屏山在臨安府西南二百八

十里東北流入元江

又東南納西南來清水河水

清水河源出臨安府西南二百五十里左能司北山

東北流經落恐司東左能山西又東北入元江

又東南納西南來末竜塘水

末竜塘水源出左能司東北山中東北流經末竜塘

南東北入元江

又東南左納三百零八渡河卽龜樞河西北自易門嘗

峩新平元江會眾流曲曲東南流五百餘里來會

龜樞河其上流爲臘猛河源出嘗峩縣北易門縣南甸

末南山南麓南流經嘗峩縣甸中又南經甸頭又南經

興衣鄉納興衣龍潭水又南至青龍寨北納東來小河
水

小河源出崑崙縣西北五十里老魯關山西北麓東
流經王家哨西麓又南折西流西入臘猛河

又南流經青龍寨又南經怕念鄉東北爲怕念河納西
南來怕念鄉水

怕念鄉水源出怕念鄉西南山澗中東北流至怕念
鄉西會西北來慶遠塘北麓水東流至怕念鄉又東
北入怕念河

又南流納東來羅呂鄉西山水

羅呂鄉西山水源出怕念鄉西北會諸澗水西流入

怕念河

又南流入境折東南至甘棠為甘棠河納東北來羅呂

鄉水

羅呂鄉水源出新平縣東北百二十里化皮冲當老魯關

東度脈再分支處西南流會牛尾冲水牛尾冲源出老魯關東度脈分支處南流

會化又西南流會羊毛冲水羊毛冲源出老魯關東度脈處西南流合西澗

皮冲水○西澗水源出老魯關西南鷺勝子與王南流經家哨分支處南流會東澗又東南會兩冲水

羅呂鄉西左納羅呂鄉水羅呂鄉水源出羅呂鄉東北窩泥寨山中西流經羅

呂鄉北又西入大水又南流至甘棠入甘棠河

又東南至魯魁山北麓而亞泥河自西北來會○亞泥

河源出崑峩丁癸鄉山中其山北即丁癸江東南流入新平縣

境又東南至康者康南會西來清水河水

清水河源出新平縣西北迤陲山東南麓東南流會
各山箐水折東流經桃孔南石子哨北又東流至康
者康南入亞泥河

折東流經雙龍橋又東南流至灑樹衣會西北來平甸
河水

平甸河源出新平縣南五十里鎮元山北麓北流會
上中下他拉諸水北經團山西麓又北至者甸岡南

會西來青龍水青龍水源出新平縣西二十里分水嶺東流經大小方達又東會納谿青龍坎諸水東入平甸河折東流為襟帶河經縣城西關外左納

洪水洪水泉源出新平縣北土官箐山頂南折流四引灌溉近郊田畝南入襟帶河

東南流經城南又東南納北來太和宮水太和宮水源出新平

縣北太和宮舊址南流經城東過迴又東左納馬家

龍橋又南流過鳴鳳橋南入襟帶河又東南

馬家箐水源出新平縣東北二里馬家

箐水箐山南流經魏家橋折西南入襟帶河又東南

過太平橋又東南過馬密南窰房箐水自北來注之

窰房箐水源出新平縣東北五里窰房

至此為平甸

箐山中南流經馬密又南入襟帶河

河又東南經土地塘北納西南來頭道箐水頭道箐

疊夏山中東北流會二道箐水○二道箐水源出

又

疊夏東南隔山東北流與疊夏水會入平甸河

東經大觀塘南又東南經麻栗樹北納西來大箐哨

水大箐哨水源出新平縣東南二十折東南納西南

來得勒箐水得勒箐水源出新平縣南二十五里

又

東南至灑樹衣會亞泥河

又東南流納西南來高粱沖水

高粱沖水源出新平縣南磨盤山東麓兩源至縣南

六十里高粱沖合流東北西會母苴魯河水母苴魯

縣南五十里丁苴西南山中東流又東北入亞泥河

又東南流經大開門爲大開門河納西南來鍋廠河水

鍋廠河源出新平縣東南八十里趙密克南山中北

流經趙密克東又東北流右會楊武河○楊武河源

出楊武壩西大黑山東流經楊武巡檢司城北又東

北流與趙密克水會○兩源既會爲鍋廠河東北流

至大開門入大開門河

又東流至魯魁山北麓與怕念河會

怕念河既會亞泥河折東流繞魯魁山北麓又折南流經魯魁山東麓迤絡河自東來注之

迤絡河源出石屏州東北石坎右少沖合左右諸澗

之水北流二里右會夏家莊之右澗又北流二里經

路兔格又北流折而西十里左會疊作水又西流經

石洞二里會東南牛期旦水牛期旦水源出石屏州北西北流入少沖河

又西三里納東南石坎水石坎水源出石屏州西北石坎西北流入少沖河

又西三里經灣子寨北又西三里經臘左寨南為白

花竜河右會新河水又西經阿泥寨北又西五里經

阿烏寨北左納長嶺水折而東納杉木箐水又西流

三里經長德寨又西過大田母經仰箐山麓又西五

里經乙白勒又西四里經馬鞍山北納南來六谷沖

水六谷沖水源出石屏州西三十里寶秀湖水北流經神童山麓又北行谷中北經馬鞍山北入白花

龍又西經磨鴻沖納西北來三岔河水三岔河源出

阿壘作東流經河頭關嶺繞龍朋土城東南經木瓜

單下甸尾六十里行山谷中又二十里右會阿戛龍

水東南至三岔河東入白花龍河又西經衛家沖之彝朵抹又西五

里經偃河磨古寨兩山閒納白得團山水又西經大

橋至此為迤絡河又西昌明里水自北來注之昌明

源出里中兩山閒南流出石閒怒里水又西經撒坡慢賽

流南入迤絡河土人謂之雄河又西經撒坡慢賽

又西經白得南北兩山閒左右納兩山澗水又西二

十里經小魯魁山右納坡頭甸季母白水又西五里

至大魯魁山東西入亞泥河

又折西流經魯魁山南麓為龜樞河納西來藤子箐水
藤子箐水源出新平縣南百里老白甸東山東麓東
流經藤子箐塘南又東流至魯魁山南入龜樞河
折東南流過龜樞奔洪十里至撮科右會倘壩水又東
南十里納西南來廠溝水

廠溝源出元江州北七十里青龍山南麓北流經青

龍山東又北流至馬鹿塘南左納馬鹿塘南箐水南

水源出馬鹿塘西南山中東又北流經馬鹿塘東又

北流至馬鹿塘東北納西南相見溝水相見溝源出

他克東山東麓東北流經馬鹿塘西又東北流入龜

樞河

又東南十里左納泡竹會黑石水又東南十里至小河
底納東來小河水

小河源出石屏州西三十里關口橫岡西會南北兩
山箐水西流經黃香老地西十五里至八抱樹右納
大龍潭水又西經迴龍山北麓又西流至小河西
入龜樞河

又東南十里左納蘆柴溝水又東南十里納西南來大
小哨水

大小哨水源出元江州東北四十五里黃茅嶺東南
麓東北流經大小哨又東入龜樞河

又東南二十里右納西北來哈糯河水

哈糯河有兩源北源出石屏元江界上阿谿東南流南源出北巖東北流相望而下東流至哈糯會北源為哈糯河東入龜樞河

又東南十里五郎溝自東來注之

五郎溝亦曰五塘溝源出石屏州東南四十里暖耳

山西流經他克母北又西流至者那左納假巴水又

西流五里經捲槽沖又西流五里至牛矢寨右納三

家水又西五里經舍母糯又西五里經車家城南又

西二里經磨扇結又西二里至雞街納北來温湯河

水温湯河源出石屏州東南二十五里白浪島南隔山乾沖南流十里經黃沙廠又南十里經熱水塘

又南三里右納響水洞水響水洞水源出石屏州南二十里玉屏山右東流至大寨合北來冠子坡水

過雙箐響泉又二里入温湯河○温

湯河又南二里至雞街入五郎溝 又西流二十里

經糯五經胖別砦過正陰砦下紅牙齒又西十里至

普通又西十里至舍竹林又西十里入龜樞河

又東南為三百零八渡河又東南走虧容司境內南入

元江

元江既會三百零八渡河至此為河底江又東南流會

西南流兔街河水

兔街河源出臨安府西南二百四十里瓦渣司北其

撒山一名南昆河東北流經虧容司北又東北流入

河底江

又東南經虧容司三尖山北又東南納西南來龍孟河

水

龍孟河源出瓦渣司喇博山東北流經虧容司南又
東北入河底江

又東南經六蓬寨北爲六蓬渡又東南經納樓司南爲
乍臘渡又東南流經慢車鄉北又東南爲施格渡又東
南經五畝北爲五畝渡又東南經阿邦鄉南爲阿邦渡
又東南納西北來曲通山水

曲通山水源出臨安府西南九十里納樓司西南八

里曲通山

其北麓水
爲象冲河

東南流六十里入河底江

又東南經納更司南稿吾卡北又東南至蒙自縣南右
納西來清水河水

清水河源出越南國交岡北東流經納更司南又東流入河底江

左納東北來個舊廠水

個舊廠水源出蒙自縣個舊龍樹各廠中南流西南入河底江

又東南經蒙自縣東南爲梨花江經花丈城南東南入開化府界爲魯部河東南流至壩灑汎北納新現河水新現河源出蒙自縣白母孔寨東南流經開化府大窩子南流入魯部河

又東南流入越南國界北會三岔河水

三岔河源出蒙自阿迷界上山爲白期河亦曰白谿

河亦曰白謙河南流經蒙自縣羨哀山村東又南流
經白谿塘又東南至芷村爲芷村河西會新安河水
○新安河亦曰法果泉一名鑽天箐水源出蒙自縣
南十五里法果山會灑雞泉生三崑泉東北匯爲南
湖亦曰學海東流爲新安所河北會長橋海水○長
橋海源出蒙自縣西三十里大屯壩曰鯉海亦曰矣
波海北流匯爲長橋海分一支北流折東北至調西
里又分爲二一支折西流走蒙自阿迷界上又西經
雷公哨南折東北走阿迷境匯爲三腳海而止一支
自調西里折東行匯爲蒙自阿迷界上之波黑海又
東流至仙人溝而止其正流自長橋海匯流東行過

長虹遠霽橋又東折南流經城東又南經新安所會
新安河○新安河折東流至山中而伏數十里東至
芷村由天生橋出會芷村河○芷村河既會新安河
爲三岔河會東北來那木果河水那木果河源出開
化府西四十五里
者安山西南流至葛
布山下會三岔河三河既會南流至壩灑汎南交
趾界入魯部河此水源流四百里

又東南經交岡東爲清水河又折東流爲清水江而藤
橋河卽盤龍河曲曲五百餘里自北來會

盤龍河一名開化府大河源出開化府西南百里蓑衣
山下邪革白龍潭伏流二十里北至烏谿石洞流出爲
烏期河北流經小石牙西又東北流經大石牙南又東

北流數十里折東南流經樂竜北又東納西南來彌勒河水

彌勒河源出樂竜南山中東北流入烏期河

又東南納西來順甸河水

順甸河源出開化府西百里化乙山北麓東流入烏期河

又東南納西南來路梯河水

路梯河源出開化府西七十里山中東北流經路梯

塘又東北入烏期河

又東南流爲盤龍河至開化府西北二十里納西來磨底河水

磨底河源出開化府西五十里山中東流入盤龍河
又東至天生橋伏流數里出東南流經府城東北又東
南十里折西流經城東南又南折而東南至府東南十
七里天生洞伏流數里從東南流又東而南曲曲百三
十里會東北來同車河水

同車河源出開化府東七十里錫板龍潭合南止革
基兩龍潭水流經彩雲洞南出爲牛羊河又西南流
百里右會馬札衝河水○馬札衝河源出沙尾衝南
流經新後克夕諸處左會牛羊河水○兩源既會爲
同車河西南流入盤龍河

又南流數十里至天生橋會西來睹叻河水

睹呪河源出開化府西南百數十里山中東南流數
十里而伏數十里復出東流入盤龍河

伏流數里南出又東南爲藤橋河曲曲百八十里南入
越南國又南入清水江

清水江旣會盤龍江又東流爲宣化江宣光江卽普梅
河合者賴河廣西末山水自北南流來會

普梅河源出開化府東一曰那樓江一曰漫江河南流
爲藤條江又南爲木奔江南入越南國境會者賴河○
者賴河源出廣南府南二百餘里普廳塘西南山中南
流稍西曲曲行兩山間二百里南入越南國界會普梅
河○普梅河旣會者賴河又南而廣西末水來會○廣

西末水源出廣西小鎮安末山中南流會者賴普梅二河爲宣光江南流入宣化江

宣化江又東南折南流爲龍門江南流至越南國嘉興州蒙縣南入洮江

洮江旣會龍門江又東南至白鶴縣西南爲白鶴江又東至白鶴縣南分一支南流爲三岐江其正支東南爲富良江又東南至岸東縣南又分一支南流又東至超類縣南而市橋江會昌江耗軍洞水南流分支南來來會折南流至南策縣東入海自三猛至入海源流曲曲七百餘里

雲南水道考卷四

雲南水道考卷五

黃巖李 誠

潞江

潞江蠻書名祿昇江祿昇潞字雙聲也番名喀喇烏蘇源出前藏布達拉城西北諾莫渾烏巴什山西北騰格里池東北布喀池西北流爲額爾吉根池折東北流爲集達池又折東南流爲喀喇池又東南納西南來一水折東流裕克河合喀喇河說穆池自南來會又東流綽諾河自北來會折南而東南流經裕克山北又折南東北經三納拉巴士司三渣土司納克書六土司北又東北經米克底池北又東北經伊庫里山北又東北經納

克特山北而沙克河西北自木魯烏蘇源巴薩通拉木
山西南流數百里納庫蘭河來會又東北流而索克河
西北自阿克達穆山南東南流會布喀河又東北流經
青海蘇魯克土司北會多增爾池水折東南來會折東
南流經齊布瑪爾雅布穆蘇穆山西南又東南納東北
來一水折西南流納西北來一水又西南而衛楚河自
西北庫伊山東南流納眾水來會折東南流納東北岡
蘇穆山西麓水又東南雄楚河南自巴里朗山北流會
諸水來會又東南納東北岡蘇穆山南麓水又東南碩
布楚河南自碩般多城兩源夾城北流至城北合流來
會又東南納東北雜楚庫恭山西南麓水又東南納南

來沙隆錫河又東南納北來雜楚庫恭山南麓水折南
流經尼和山莽阿山西西納穆冬山水又南納西北雅
隆山水又南納東北一小水折少東而南經納博拉山
西又南經裕尼穆塞山東而鄂宜楚河自東北南流折
西南來會又南折東南入怒夷境爲怒江南流至四川
雅州府巴塘土司南入雲南維西廳邊界源流一千三
百餘里東南流至怒山西又東南流經樹苗汎西又南
曲曲流百里受上怒東來一水又南二百餘里受東北
來一水又南百八十里至下怒折東南流全入雲南境
爲潞江自入邊至此五百里其西岸卽怒夷界其東岸
與瀾滄相去僅百三四十里中多連山相接西南流至

雲龍州北表村入大理府境經三崇山西又南至雲龍
州曹澗西保山縣西北十五喧北崩戛東騰越廳東北
大塘隘東四十里入保山境又南沿馬面關東六十里
又南經蠻邊東猛賴西納東北來西谿水

西谿源出保山縣北百里北冲東蒲蠻寨南山兩源
合而西流會北冲西北山中南流一谿西南流經王
尙書寨東南流經猛賴東折西流入潞江

又南納西來雪山水

雪山水源出雪山東麓各處山中會流入潞江

又南至羅明納東來蒲縹河水

蒲縹河源出保山縣西南六十里蒲縹村南山中北

流會乾海子水乾海子在保山縣西北六十里大可千畝泉從北山中出海中菁蕪不能載水亦不能通行人以足撼之即四面振動南崖有池在菁蕪中清澈異他處水從東南破峽出為三瀑經瑪瑙山西四窠崖過水簾洞及松坡水松坡水西出會蒲縹河至羅明入潞江松坡水松坡水會蒲縹河入潞江至羅明入潞江

又南納西來八灣塘水

八灣塘水源出保山縣西百四十里高黎貢山南分水嶺東流經八灣塘南路江安撫司北東入潞江

納東來坪市河水

坪市河源有二一出保山縣南甸頭一出石甸寨合

流而西納蒲縹南澗經新柵山口陡崖下入潞江

又東南經潞江安撫司東北入龍陵廳界自此江左為保山江右為

龍陵西去高黎貢山八十里又東南納西來野豬河水

野豬河源出龍陵廳北路江安撫司南山中二源合

流東入潞江

又東南納東來施甸河水

施甸河源出保山縣南百里施甸南姚關北北流經

大石橋至老鄧橋西入潞江

又南納西南來迴環河水

迴環河源出龍陵廳東北鎮安所東南山西流經所

南自西而北又東北經所三面又東北合西來一谿

又北有邦賣河自西來會邦賣河源出龍陵廳北七十里邦賣西流會迴環河

東入潞江折東北流入潞江

又東流四十里折正南流曲曲百九十里而南甸河自東北西南流曲曲五百餘里來會

南甸河源出保山縣北九十里北冲南山東麓東南流經清水關東爲清水河又東南至板橋北三里與東源會○東源出保山縣東北阿隆村西南流至板橋北與西源會兩源相等○南流會郎義河水○郎義河源出保山縣北二十五里龍王塘東南流經郎義村爲郎義河又東南流入清水河○三源既會爲東河過板橋會清華海水

清華海在保山縣東十里廣十餘里雨則盈溢旱則乾涸水歸東河

南流經縣東南會西北來沙河水

沙河源出保山縣北一百八十里北冲南山南轉之

交椅山西南經虎坡東又南經九隆岡西又南東折

出九隆法寶兩山閒東流納九隆池水九隆池源出

易羅池池水滿溢南流下匯大池為沙河既會九隆

九隆四面築堰資灌溉下流入沙河池東流過眾安橋又東經諸葛營北過神濟橋東流

入東河

東河既會沙河水折東流經哀牢山西南又東經筆架

峰南又東經落水洞東出阿思郎經枯柯橋為枯柯河

經小獵彝東又南經大獵彝東又南會都魯哈思兩凹

中水南入哈思凹為哈思河又南經亦登雞飛西上灣

甸東右會姚關水

姚關水源出姚關北施甸南東南流經灣甸土州界東入枯柯河

又南經下灣甸至土州城西北左會鎮康河水

鎮康河源出孟定土府北界無量山北麓東北流其東源出鎮康土州東南烏龍山北麓西北流兩源合爲烏木龍河折北流又會鎮康東南谿折西北流至鎮康土州城南會西南來怕紅河水

怕紅河源出鎮康土州西南無量山西北東北流至鎮康城西南入烏木龍河

折北流爲鎮康河又北經鎮康土州西又北至灣甸土

州東南納西南響水河水

響水河源出鎮康土州西北境山中東北流入鎮康河

納東來杜偉山水

杜偉山水源出哈思凹隔山南麓凹中南流經杜偉山西會山中諸水又南至猛峒北東會南糯河水○南糯河源出順寧縣西百二十里禊山合阿度吾西谿水西至猛峒會杜偉山水○折西流穿峽會諸峽水西流入鎮康河

又北流至灣甸城西會枯柯河

枯柯河既會鎮康河折西流爲南甸河又西流至姚關

西南龍陵廳東北入潞江

潞江既會南甸河又西南八十里受西北一小水又南折而東南受東北一小水又西南流受東南來一小水又西流受北來一小水至孟定土府境為渣哩江又西南當孟定土府西北百五十里騰越廳南稍東三百餘里出邊流阿瓦地折南而東南經木邦孟乃等處南丁河東北自猛緬曲曲西南流七百里出邊來會南丁河與渣哩江出邊相去不遠至入海處尚須千里南丁河既不能自入海邊外又無別江可歸自應與漫路等河盡歸渣哩江亦理之必然非同貳斷如李仙河底兩江向不知其歸何處今實驗之實皆歸瀾滄此等可以理測不必身履其地而已知其莫能外也

南丁河源出順寧府屬猛準東南之分水嶺嶺南水入瀾滄江

北流右會西南谿水

西南谿源出猛準西南東北流經猛準北又東北會
分水嶺水

東北流折而北至舊猛緬長官司東納東來內邦蠻布
二河水

內邦河源出緬寧廳東山

蠻布河源出緬寧廳東七十里大雪山中並西流入
猛緬水

又北經猛緬東北納西北來蠻鞏河水爲猛緬河
蠻鞏河源出緬寧廳西高嵐山中東流合二谿折東
南入猛緬河

又北流納西南谿水又北流右納峭堡河水又北右納李歪河水

峭堡河

李歪河源俱出緬寧廳東猛麻土巡檢西西流入猛

緬河

又北經臘丁西又北納東北永鎮關小河水

永鎮關小河源出雲州西南六十里永鎮關南分水

嶺嶺北水入西南流會西北水西北水源出永鎮關西南東南流與分水

嶺水順甸河西南入猛緬河

折西流右納四十八道水

四十八道水在雲州南一百里自永鎮關起至猛賴

大河止五十里淺水曲繞入大河

又西至猛賴南爲猛賴河又西納北來猛賴西谿水

猛賴西谿源出雲州西南猛賴西北山中東西兩源

合而南流南入猛賴河

又南流納北來阿鐸河水

阿鐸河源出順寧縣西南百八十里阿鐸山一曰藤

川南流入猛緬河

折西南流納東北來邦怕河水

邦怕河一名猛回河源出緬寧廳西北猛回東北象

鼻嶺西南流至猛回西會東南谿水又西南又會東

南谿水西流入猛緬河

又西南納東來猛勇河水

猛勇河源出緬寧廳西猛勇東北流折西經猛勇北
西流入猛緬河

又西南納東來虎口河水

虎口河源出猛撒東南山兩谿合流西北至猛撒北
合西南來一谿折東北流右納東南谿水折西北流
經虎口村西右會東谿水東谿源出虎口村東西流經虎口村北西入虎口河

又西流入猛緬河

又西右納無梁山水左納一谿為南丁河

無梁山水源出孟定土府東北境無梁山南麓其北麓水

為怕紅南流入南丁河

又西南流百餘里納東北來南卡河水

南卡河源出鎮康土州南孟定土府北山中西南流入南丁河

左納東南來南路河水

南路河源出耿馬土司北山中西北流入南丁河

又西南左納東南來南們河水

南們河源出耿馬土司西孟定土府山中西北流入

南丁河

又西南至孟定土司東北左納東南來南底河南滾河

二水

南底河

南滾河源並出孟定東南山中並西北流會入南丁河

又西經孟定土司北又西納東北來小南崩河水

小南崩河源出孟定土府北山中西南流入南丁河
又西流納東北來大南崩河水

大南崩河源出孟定土府西北山中兩谿合流隔谿
卽渣哩江西流南折南流百里入南丁河

折南流當孟定土府西南二十里走阿瓦境內西南入
渣哩江

渣哩江既會南丁河又南而東南流漫路江會孟連河
自東北西南流注之

漫路江源出順寧府屬猛尹西南募迺西南山中東
 流折東南會東北來猛朗東北山水又東南流會東
 北來一水折南流會東來一水折西南流至猛賓西
 北會西北來水西北來水兩源合流東又東南折西
 南流會西北來送丙河水送丙河源出耿馬土司西
 流入十里又東南會西來小猛朗水小猛朗水源出
 入漫路江又東南會西來小猛朗水小猛朗西北邊
 界山中東流七十里入漫路江東南流又折南流折西南曲二百
 里出邊西南流會西北孟連河水孟連河源出孟連
 中南流經孟連土司東折又西南在阿瓦境內會渣
 東南流出邊會漫路江

哩江

渣哩江既會漫路江又南至擺古東入海

大金沙江

大金沙江番名雅魯藏布河源出西藏阿里岡底斯山東南三百里車書特西北達穆楚克喀巴布山東南流二百餘里納西南庫奔岡阡山水又東嘉克嘉河一自東北莽爾瑪岡阡山一自西北穆蘇丹山兩水並南流而合又南會西北來沙經瑪尼雅佳爾山水又會東北來一小水南流會西來一水折東南流來會又東納北來阿拉楚河又會南來一小水又東有那烏克藏布河自桑里池西北流會南來一水又西會北來商里噶巴山水折西南流會東北來穆克隆山水又西南會西北來隆瑪謨隆佳爾山兩源合流水又南流經楊班山西

南來會又東南郭永河會龍列河蓋楚河朱克河東北
流來會又東南納西南古結爾岡阡山水又東南作噶
爾河西南自巴魯岡穆山東北流來會又東南經尼雅
穆山東南珠薩楚河三源合東南流會諸水又南會加
巴蘭河南流來會又東經拉克卓藏里山南翁楚河會
佳隆魯河並自岡綳尖山北流來會又東式爾的河自
南北流滿楚河自北南流來會又東經宗喀城西北薩
布楚河自舒爾穆藏拉山西流會濟隴城北來合流水
又西至宗喀城北會南來郭阡當鍾山水西北來會折
東北流而薩爾格河源流千里來會

薩爾格河源出東北拉布池伏流復出西南流曲曲四

百餘里有一水北自巴魯達克拉克山東南流合東北
來一水又西南百數十里合西北來一水又西南百七
十里有拉布岡沖山水自東北來會又西南百里有岡
阡山水自西來會正南流六十里又西南流合北來一
小水又西南合西來一水又南有東北岡隆山流出之
二水覺馬爾沖山流出之二水合而西南流又合東南
一水又合東一水而西來會又西南數十里折東南百
數十里入雅魯藏布河

雅魯藏布河又北流四十里折西北三十里又東北而
東南曲曲三百餘里納南來舒爾穆藏拉山水又折東
北百餘里又東南流百里納北來阿穆楚池水又東南

而南六十里納南來瑪沁巴山水折北流百五十里折西北流又東北流四十里納南來拉爾古東雜山水又東北納東南桑馬岡阡山水又東北百數十里多克楚河自西北曲曲七百餘里來會

多克楚河源出西藏札什倫布西北九百里楚拉里山西南流百餘里納東來水又西南數十里匯爲阿穆珠克池北又匯多藏岡山水周百餘里西南流出二百里折而東南又匯爲龍岡普池數十里又東流出有三水自西來會曰多克楚河又東有江楚河自西南來會又東曲曲三百里有隆拉山水自西北來會折東北流六十里有北來阿克底河南流四百里來會折東北而東

南六十餘里入雅魯藏布河

雅魯藏布河又東北納南來綽隆河水又北流有結特楚河自北曲曲四百里來注之又北數十里折而東流曲曲百數十里有達克楚河自北鄒索克布山曲曲四百餘里來注之又東南流有當楚河三源南北流百餘里而合又北百餘里會西南東南各一水東北流百九十里經札什倫布城西來會又東百餘里經後藏札什倫布城北又東有年楚河自南曲曲八百餘里來會年楚河有二源一出綽拉穆山東北曲曲流四百餘里一出達巴里山十數池匯爲一水北流曲曲二百餘里兩源會又東北九十里有八水從東北諸山又南穆昌

山等水合西南流來會折西北流過江孜城西又西北
八十里受西南來一水又北數十里納西來合兩水一
河又北名年楚河經札什倫布東南四里過大橋長七
十丈十九洞又北流四十里入雅魯藏布河

雅魯藏布河又東北經佳布拉山北有商河源出西北
絳查拉山東南曲曲流四百餘里會西來鄒索克布山
水又東南百里會北來佐山水又東南來會又東北納
布克什里山西麓水又東有隆干河源出查謨哈拉山
西南流百餘里與西南二水會西北流來會又東北曲
曲百餘里納布克里山東麓水又東南流六十里走札
什城南牙母魯克池北又東稍南經前藏布達拉城西

南噶爾招木倫河自東北曲曲千二百里來會

噶爾招木倫河源有二一曰米克底河出納克書六土
司東南米克底池廣數十里西南流出數十里合東南
來一水西流又折西南行諾穆渾烏巴什山中百餘里
又合東南一水又曲曲西南經三渣土司三納拉巴士
司南二百餘里受東來一水又西經前藏布達拉城南
折西北六十里納西北東南流合五水而南者會又西
流百八十里而西南源來會西南源曰納穆河源出納
穆山東流會帶裕爾山兩水東南會西來一水又東南
會米克底河二源既會東南曲曲四五百里入雅魯藏
布河

雅魯藏布河既會噶爾木倫河又東經布達拉城南來
鐘山北又東納南來雅拉沙穆布岡里山水又東納北
來一水又東又納北來一水折東南納南來一水又東
南流納南來雜里山水又東南流岡布藏布河自西北
東南流曲曲一千二百餘里來會

岡布藏布河源出章阿爾松山南流自江達城西北會
西來巴隆楚河又東百餘里會北來烏楚河又東八十
里折東南流百餘里經江達城東南佳曩河自北合二
水南流經城東而南來會又東南曲曲三百餘里巴麻
穆池東北自西南流出東南流折西南來會又東南折
而西南有源出齊布山之牛楚河自西東流來會名岡

布藏布河又南而東南二百餘里入雅魯藏布河

雅魯藏布河又東南流百數十里納北來底穆宗河又東南折南流東怒夷西孟養又南全入孟養陸阻地爲大金沙江大盈江卽奈楚河自西東南流曲曲一千六百里來會

大盈江亦曰大平江番名奈楚河源出牙母魯克池西南札穆達山西般布唐山東南流折東南五百里至謨爾岡克山北葉額河自北牙母魯克池東南兩源南流百餘里而合又東南流百里來會又東南流數十里會北來一水又東折東北流二百餘里穆楚河自西北曲曲七八百里合兩水來會又東南流五六百里至孟養

陸阻地會大金沙江

大金沙江又南而檳榔江亦曰朋楚河自西曲曲二千里來會

檳榔江一名朋楚河源出舒爾穆藏拉山兩源一東南一東北合而東流會北來舒爾鍾馬山南流水折南流會東來二源合西流走布拉山南穆拉穆山北水東南流受西一小水折東流納西北綽羅克河又東折東南納西來綽爾蒙東納山水折東流百數十里受南北水各一又東折東南流百八十里受西南來水二又東流百二十里納南來一水又東北五十餘里受西北來一水又結楚河自北合三水東流來會又東北隆岡河自

西北來注之又東繞隆岡阡山北折南流長楚河自北
桑烏岡阡山南麓南流合三水東南流二百餘里有紅
羅山水自南北流折西北來會又東南折西流入朋楚
河朋楚河又南曲曲二百數十里有雅尼河西自雜里
穆布山珠穆朗瑪山兩源合東南流折東北會西北一
水又東北會西北三源合一水折東流來會又東南受
怕里河源自綽拉穆山南流匯爲噶拉楚池南流而西
又匯爲札穆楚池又西南流百餘里折東南數十里會
東北來一水又西南會西北來一水又西南受東一水
折西流受北一水西流來會又西南百里紐楚河西北
自郭阡當鐘山南麓東流至濟隴城西南一水自濟隴

城西北南流經城西而南來會又東南流會西南來布
拉穆蘇山水又東南流百餘里至聶拉木城西北會北
來岡札穆山水又東南經聶拉木城北卓鄂拉岡阡山
南又東南經雜里穆布山南又東南五百里至括孟雄
部落與朋楚河會朋楚河折東流走括孟雄界七八百
里至孟養陸阻界會大金沙江

大金沙江既會大車檳榔二江又西南經宦猛莫嗽莫
卽至戛鳩西爲戛鳩江又南流至猛掌受西來一江又
南經昔樸怕鮓猛莫猛外至蠻莫又南流而騰越大盈
檳榔兩江合流來會

大盈江一名太平江本爲西藏奈楚河檳榔江本爲西

藏朋楚河自明築八關棄關以外至大金沙江之內地
於是大盈檳榔兩江皆非中國有乃取騰越內地兩江
名之曰大盈檳榔以當之其實與本來奈楚朋楚兩河
不相涉也大盈江源出騰越廳東四十里之赤土山赤
土鋪南北流經羅武村折西流經馬邑村爲馬邑河西
流至廳東北飛鳳山麓右會馬場河水爲大盈江

馬場河一名高河源出騰越廳北三十里龍從山南

流右納上千峩山上海子水一名澄鏡池在廳北二
十五里上千峩山又名

清河周五百丈環以花草人至則雷雨交作俗傳龍滾其中流入馬場河又南流左納下

海子水一名半月池在城北七里又南流左會馬邑

河爲大盈江

又西南流左納黃坡溢泉水

黃坡溢泉源出騰越廳東南十里羅生山之黃坡舊稱羅生山水舉其大者而言其實羅生山羅漢沖本西南出水尾非北流之源此源從黃土坡平地中溢出北流經雷打田北至廳東北入大盈江

三源既會折西流右納飲馬河水

飲馬河明時土人於廳南二十里之羅漢沖開支河分引北流挖斷黃土坡西度來鳳之脈北經城東又北入大盈江

又西流經城北折西南流至城西南爲跌水河出龍光臺來鳳兩山峽中過河上屯右納緬箐水

緬箐水源出騰越廳西北二十里寶峰山西麓南流
會緬箐山中諸水南入大盈江

又西南左納橋頭河水

橋頭河源出騰越廳東南二十里羅生山東北羅漢

沖西流出大洞長洞兩山間折北流有分流北去又

折西流經綺羅村為綺羅水出水尾羅生來鳳西南

流經半個山為羅苴沖經硫磺塘納諸水西入大盈

江

又西南左納曩拱河水

曩拱河源出騰越廳南四十里清水朗西南山中西
流入大盈江

又西流至南甸北爲小梁河又西經南牙山北伏流經
猛送南右納猛送水

猛送水源出騰越廳西北五十里冠子坪龍潭西南
流經鬼甸南流經鶯籠至猛送西南入大盈江

又西經雲籠山麓爲雲籠江又西經千崖土司東爲安
樂河而檳榔江自西北來會

檳榔江有兩源其西北源在騰越廳西北境標獐界舊
古勇廢縣南四十里神護關北六十里東南流會東北
源○東北源出古勇隘口東南六十里山中西南會西
北源○兩源既會南流百數十里南至千崖北會大盈
江

大盈江既會檳榔江西流經干崖土司北又西北納北谿水又西南至盞達土司東南北會盞達河水

盞達河兩源一北出騰越廳西境萬仞關之猛弄山西南流一出其西南與緬國景麻界山東流俱數十里而合又東南流折而西南經盞達土司南合西來谿水又南流數十里入大盈江

又西南經冷翁南又西南右納曩送河水

曩送河源出騰越廳西南境巨石關

在萬仞關西南一百九十里

兩源合流東南入大盈江

又南經臘撒西又西南左納臘撒河水

臘撒河源出戶撒東北山中西南流經臘撒折西北

流入大盈江

又西南流至銅壁關東南百里虎踞關北百里鐵壁關
北出邊經緬甸蠻莫境入大金沙江此水源流七百里
大金沙江又南經蠻法魯勒孟拱遮釐官屯大菖蒲山
峽小菖蒲山峽課馬孟養怕崩山峽戶臺鬼哭山戛撒
至緬甸太公城龍川江自東北西南流源流一千五百
里來會

龍川江番名薄藏布河源出拉里城西桑建桑楚山南
麓曰桑楚河東南流經拉里城南而東南會東北來公
楚河水又東南會西北來一水又東南會西北自章阿
爾松山東南麓匯爲池東南流出百數十里來會又東

南衛楚河自東北多冬達克隆山雜拉蘇木多山二水
西南流而合又西南會西北拉里恭蘇穆山水西南流
來會東南流經昂古里山南又東會北來一水又東稍
南會北來巴里朗山水南流合東來一水來會折南流
經巴拉瑪岡里山西又南折東流經薄宗城南有東北
雅隆布河自雅隆山姜瑪隆里山二水南流而合又南
流會西北瑪隆山水東南折南流經姜楚山冬拉達巴
山東會東來怕楚河西流會南來一泊又西流會西南
巴哈里山北麓水又東流來會折南流經巴哈里山西
又南而西南而東南五百餘里縹多穆楚河自東北巴
哈里山南麓東南流合西來一水又東南會西來之察

楚河又東南會北來源出裕尼木塞山南流納東來一
水之側楚河折西南流爲綽多穆楚河西南流來會爲
龍川江入雲南騰越廳北境大塘隘南流經馬面關西
又西南經雪山西麓界頭西又南磨石河自東北來注
之

磨石河源出騰越廳北二百里界頭甸馬鹿塘西南
流至羅古城南入龍川江

又南經瓦甸西爲混沌河折東南經高黎貢山西麓至
曲石街東曲石江自西北來注之

曲石江源出騰越廳西北徼外姊妹山南麓南流經
阿幸廠東又南流經滇灘關東東南曲曲百餘里至

烏索爲西江東南至固棟南會東江○東江源出騰
越廳北二百里滇灘關東北蘭香甸北之明光山南
流爲明光河又南流經石房洞山東麓又西南流經
雅烏山東麓又西南至固棟南會西江

下關

滇南山川辨誤 敦說樓集

李誠

滇南山川考之於古百不逮一又往往與今不合不能勉强牽就僅可於近籍中求之而舛錯疏漏正復不少謹爲參互鉤稽舉其可知者訂正一二其不可知者缺焉蒙化之陽江爲禮社西源至舊定邊縣東南合流而徐氏宏祖遊記以爲陽江西入瀾滄於是以迷渡南走武衛盡定邊東南之山爲分榦而不知分榦實由花判山南走巉岬圖而入景東其誤一北盤江之源發自今宣威州東南之宛溫水若嵩明州嘉利澤爲車洪江之源固按策可稽者乃徐氏遠遊萬里徒走窮兩盤之源竟惑於旅主謬說以嘉利澤爲北盤之源於是以尋甸

之梁王北走盡於牛欄江者爲南龍老脊而由翠峰北走花山之眞老脊反不能知其誤二尋甸之清水海北流爲小江至東川西大雪山北入金沙江乃徐氏以爲清水海四面皆山不能北出於是不知東川之山由月狐功山北走而以由梁王直下絳雲露者爲正支其誤三南龍老脊自麗江南下由七地坪走魯罷而觀音山則其分支西出者又南下走洱海東至烏龍壩而雞足山又其分支東出者而黃元治大理府志以觀音爲大榦所融結趙元聲山水綱目以雞足爲滇山之大宗是皆認支作榦而不能確知老榦之所經其誤四老龍由海東趨烏龍壩卽東折度脈爲梁王山其由烏龍南下

者爲定西嶺南走花判山中無迴折之處而大理府志以爲大榦由海東南走定西嶺又北折爲梁王山亦何所據而云然其誤五石屏之山由老魯關南趨至坡頭甸東折走白花竜河北又自少冲南折西走白花竜河南又自關口平岡南度脈其岡卽爲分水之嶺旣度又東折走五郎河北又自暖耳山南折西走五郎河南至松子園又東折走塌冲河南此則分榦之行度厯厯可數者而志乘家必謂石屏之山由魯魁龜樞崩洪東度是舍近而圖遠且置坡頭甸以下之山於何屬甚有倒言龍脈謂由石屏北走老魯關試問魯魁之脈自何而來更可置之不問矣其誤六東川西三百里大雪山爲

今湯丹廠砮山一名勇克山其水下流爲儻俸谿尋甸
州志誤載入以爲在州西八里舊通志亦襲其謬考其
地當在尋甸西北八百里且並非境內似此譌謬相承
後人何所述以爲典要其誤七其他諸志書所載名號
之重複錯誤道理之倒顛參差更不可枚舉若夫羣書
所載遺脫漏略又非可以一二紀者南龍老脊自梁王
山度脈爲山川大主腦諸書並未詳言卽徐霞客足跡
數經其地亦不能悉夫寶泉之水一源二流大幹穿水
南度夫人能言之矣而究之寶泉之水自帽山南下則
烏龍之脈中斷梁王之勢由蕎甸北趨則南度之跡難
求人無有言其故者考凡水之一源二流多由後人分

鑿並非天地自然之體如粵西之湘灘爲秦史祿所鑿其明證也梁王山之一源二流亦由後人於團山壩分鑿東注青龍海以資灌溉則寶泉舊流實由萬花谿南走白崖而團山本屬榦龍南度之脈其萬花夾谿之東山更爲老榦南走清華水目所經無疑而烏龍之東帽山之北由平岡東度起頂亦不問可知矣瀾滄江其下流曰九龍江又下流曰黑江至猛賴東會藤條江藤條江卽李仙也黑江又下流入交趾爲跳江至嘉興州蒙縣會龍門江爲富良江一曰清水江卽河底也是瀾滄李仙河底三江合而爲一合於猛賴東一合於交趾蒙縣而齊息園宗伯水道提綱夙稱賅洽亦缺焉不載

於李仙河底僅云入安南國爲瀾滄僅云入安南國爲富良江他書可無論矣滇南多瀦澤然蓄必有洩如杞麓湖匯河西通海數百里之水而水道提綱及諸志書俱不言湖水所歸按通海縣東北十里有鼉山下有落水洞非湖之尾閭乎落水洞東去婆兮江不遠則其伏流而東入江也明甚又蒙自之長橋海北繞阿迷州界迴環亦數百里水道提綱亦不言其水之所歸又於三岔河云有鑽天箐河自蒙自縣南境東南流百餘里來會考蒙自縣南境並無所謂鑽天箐河惟有法果山泉東流會新安所河亦屬後人所導而新安所河實由長橋海下流源遠流長由天生橋伏流東會芷村河芷村

河者卽三岔河源白期河之下流則長橋海乃三岔河西支之源其水蓋盡歸於三岔河也又廣西州之矣邦池西會矣戈河瀘源東會江頭村水亦瀦百餘里之水又支醮塘尾閭伏流水道提綱不言其所往徐氏遊記僅聽僧言以爲出竹園村龍潭而未敢信爲必然考竹園村遠在廣西州西南支醮塘在廣西州東南南北不相值徐氏不敢遽信僧言殊爲有見然其水實大豈竟無所歸按彌勒縣東南一百二十里有盤江山山有石竅深廣丈餘混水湧出入江盤江至此遂名爲混水江其水不能悉自何來爲按圖計之與支醮塘南北適相值則卽爲瀘川之水伏流南來至此悉入盤江可知凡

此皆載籍所未言而誠爲參互鉤稽而得之者也至北盤之源自宣威州宛溫水北流水道提綱謂至石龍山東北數十里而伏又北踰大山數重至貴州界流出爲北盤江則是自石龍伏流北出會可渡河爲北盤之源而宣威州志圖說炳炳宛溫之水自石龍山之北東折北流經豬場又北爲木冬河與貴州拖長江會東北會可渡河按拖長江源出貴州普安廳東北會豬場河又東北至毛口西北入盤江今以宣威之宛溫水東合拖長江是宛溫卽豬場河矣其說與息園先生異誠嘗往來黔中目睹三河之流見夫豬場河之大遠不及拖長江而拖長江又遠不及可渡河則斷不可以豬場合拖

長爲北盤上源而水道提綱所云由石龍東北伏流北
出合可渡河爲北盤者爲確不可易而後人之謬說可
以刊矣謹就所知而疏之如此以俟就正論定云爾

右雲南水道考五卷黃巖宗姪數峰得李先生原稿錄
出余假錄此上層所誌悉依數峰鈔本余未嘗增訂光
緒壬寅十二月中浣培桂軒後人江涵校畢

按今英緬界約云大盈江卽檳榔江瑞麗江卽龍川江
湄江卽瀾滄江厄勒瓦諦江卽大金沙江薩爾溫江卽
潞江與黃楸材所言法人圖合黃以光緒戊寅奉川督
丁文誠命由滇入緬遊歷印度歸著有西徼水道考等
書其言黑水卽今潞江與前人異由緬甸流入南掌暹
羅邊界入於南海中過野人山華人未嘗至故不能詳
惟今西圖得之云定孚按蠻書瀾滄江源出吐番大雪
山南流入海麗水一名祿昇江源自邏些城三危山下

過驃國南入於海禹貢導黑水至於三危蓋此是也則以潞江為黑水已有其說

又敦說樓集言漢志勞水即瀾滄江亦即志東至交趾

為富良江僕水即禮社江東南至交趾為龍門江入富

良江葉榆水即盤江志亦作若水即雅礮江青蛤水即

大姚河毋血水即龍川江貪水即漾濞江亦曰周水即

潞江繩水即金沙江云云按先生自滇解組歸里已近

古稀著述甚多後遭回祿均致缺殘此集手刊亦非全

帙其萬山綱目前刻續台州叢書古禮樂述予為校刊

詩意及微言管窺水道提綱補訂所缺太多此水道攷

殆為阮文達編雲南通志時作也先生由嘉慶癸酉拔

貢任順寧知縣光緒初國史館人儒林傳並祀鄉賢父
秉鈞子春枝皆通經學有著述黃巖路橋人

雲南水道攷五卷李誠靜軒撰靜軒黃巖人嘉慶癸酉
拔貢生官雲南姚州州判終順甯縣知縣阮文達公督
雲貴時頗識其才與滇人王崧同修道光通志此書亦
在雲南所修以北盤江南盤江金沙江瀾滄江潞江大
金沙江爲正支其餘小水附焉全用水經注體例夫道
元於江之南已不及北方之詳確何況滇中靜軒胸有
千古而又加以身歷以關徐氏游記之舛誤及他地志
之混淆窮原及委無漏無訛又靜軒所著敦說樓集以
禹貢之黑水爲潞江以漢志之勞水卽瀾滄江志亦作
麋伶
東至交趾爲富良江僕水卽禮社江東南至交趾爲龍
門江入富良江葉榆卽盤江志亦作
温水若水卽雅礮江青

蛤水卽大姚河毋血水卽龍川江貪水卽漾濞江周水
卽潞江繩水卽金沙江考雲南之水道未有詳於此者
也又有萬山綱目水道提綱補訂皆輿地一家之學藁
本貽自楊定敷給諫殊屬嘉惠後學歲在柔兆執徐小
雪後一日吳興劉承幹跋